

Ku soo dhawaaw xarunta imaanshaha



**Xaanshi loo qeybiyay dad magaalayo weydiistay
ayagoo ah xarunta imaanshaha ee Fedasil ee Brussels**



Maalinta kuugu horreysa xarunta imaanshaha

Gudaha xarunta, waxaad raaci doontaa tallaabooyin kala duwan.



Info
Fedasil

01 / Qaabilaadda

Haddii aad sharaxdo inaad rabto inaad codsato 'badbaado caalami ah' (ka codso magangelyo Belgium), waxaa lagu weydiin doonaa inaad gasho xarunta si aad u gudbisno codsigaaga.

Luuqadaada: shaqaalaha xarunta ayaa luuqadaada eegaya. Waxaad qaadan doontaa boorsadaada goor dambe oo maalintii ah. **Hayso alaabtaada qiimaha leh iyo dukumentiyadaada aqoonsiga (ha uga tegin boorsadaada).**

Dukumeentiyadan waxay noqon doonaan kuwo wax ku ool u ah soo gudbinta codsigaaga.



02 / Diiwaangalin

Halkaan, Xafiiska Soo-galootiga ayaa diiwaan gelin doona codsigaaga ah badbaadada caalamiga ah.

Askariga ka socda Xafiiska Socdaalka ayaa ku weydiin doona su'aalo xoogaa ah si uu u ogaado aqoonsigaaga (magacaaga, taariikhda dhalashada, jinsiyadaada, iwm.). Waxay ku weydiin doonaan dukumentiyada aqoonsiga ee aad haysato.

Askariga ka socda Xafiiska Socdaalka ayaa sidoo kale faraha kaa qaadi doona. Tani waxay u saamaxdaa Xafiiska Socdaalka inuu baaro bal inaad horay uga diiwaan gashanayd dal kale oo Yurub ku yaala. Haddii aad horay uga diiwaan gashan tahay wadan kale, waxaa laguugu diri karaa wadankan si aad uga codsato magangelyada caalamiga ah halkaas.



03 / Baaritaan caafimaad

Koowda caafimaadka ee Fedasil ayaa eegi doonta bal inaad qabto caafimaad wanaagsan. Qof kastaa wuxuu maraa baaritaan caafimaad. Waxaa laga yaabaa inaad hesho tallaalada lagaga hortago cudurrada faafa, taas oo ku xiran waddanka aad ka timid. Kalkaalisada ayaa qori doonta warbixinta caafimaadka.

Waxaan sidoo kale raajo ka qaadi doonaa sambabkaaga si aan u aragno haddii aad qabto qaaxo. Waxaa jira cudur aad u faafa waxaana laga yaabaa inaan isbitaal kuu dirno haddii aad jirran tahay.



04/ Guriyeynta

Halkan, waxaad ka heli doontaa boorsadaada. Shqaale ka tirsan Fedasil ayaa eegi doona inaad xaq u leedahay qaabilaad inta la baarayo codsigaaga badbaadada caalamiga ah.



Qaabilaad ma u leedahay xaq? Waxaad si ku meel gaar ah u joogi doontaa xarunta imaanshaha. Intaas kadib waxaad u wareegi doontaa xarun kale oo aad joogi doonto inta laga borosees gareynayo habraacaaga magangalyo doonka. Fedasil ayaa kusiin doonta goob qaabilaad: tan badanaa waa xarun ay maamusho Fedasil ama Laanqeyrta Cas. Waa xarun 'furan', taas oo macnaheedu yahay in aad si xor ah u geli karto ugana bixi karto dhismahan hadii aad qaddariso qawaaniinta xarunta. Fedasil ayaa dooran doonta xarunta iyada oo fiirinaysa sariiraha ka banaan xarumaha waqtigaan, iyo iyada oo tixgelinaysa xaaladdaada (inta qoyskaaga ka kooban yahay, caafimaadkaaga, iwm.).

Qaabilaad waa xaq, laakiin ma ahan waajib; waxaad sidoo kale go'aansan kartaa inaad diido xarunta Fedasil kusiiso, tusaale ahaan haddii aad saaxiibo ku leedahay Belgium kuwaasi oo jiif ku siin kara.



Miyaadan u lahayn xaq qaabilaad? Waa inaad ka tagto xarunta imaanshaha. Waxaan sharraxi doonaa inaad xaq u leedahay cawimaad caafimaad oo degdeg ah, laakiin ma aadi kartid meel qaabilaad.

Waa maxay?

Soo ogoow macnaha erayo adag oo ku qoran warqaddan.

Miyaad weydiisanaysaa Belgium badbaado? Haddii aad dalkaagii ka soo qaxday aadna ka codsanayso magangalyo Belgium, waxaad gudbin kartaa codsi loogu tala galay 'badbaado caalami ah'.

Xarunta soo-galootiga? Xaruntaan kutaala gudaha Brussels ('Petit-Château') waxaad ka dhex gudbin kartaa codsigaaga loogu tala galay badbaado caalami ah adoo u gudbinaaya hay'adaha dawlaga ah ee Belgian. Waxaa laga yaabaa in jiif lagu siiyo inta codsigaaga lasoo baarayo, taasoo ku xiran xaaladdaada.

Xarunta imaanshaha waxaa maamusha Fedasil, oo ah urur dawladeed. Codsigaaga badbaadada caalamiga ah waxaa xarunta dhexdeeda ku diiwaangalin doona urur kale oo dawladeed: waa Xafiiska Socdaalka.

Xiriirka

Xarunta soo-galootiga

Waxay furan tahay Isniin ilaa Jimce

- Diiwaangalinta codsi loogu talagalay badbado caalami ah (weydiiso magangalyo): diiwaangalinta oo ah 8.30 a.m.
- Xog ka dalbo Goobta Xogta: oo furan 8.30 a.m. ilaa 12.30 p.m.


Cinwaanka:

Rue de Passchendale 2

1000 Brussels

Telefoonka +32 (0)2 793 82 40

Email: dispatching@fedasil.be



Miiska soo laabashada iskaa ah

Fedasil way kaa caawin kartaa haddii aad ka fekereyso inaad ku noqoto wadankaagii hooyo. Waxaad su'aalo weydiin kartaa 'miiska dib u noqoshada' ee Fedasil.

Rue d'Arenberg, 8 – 1000 Brussels

Taleefan 0800/327 45 (nambar lacag la'aan ah) ama 02/897 53 00

Waxay furan tahay Isniin ilaa Jimce 9.30am ilaa 12pm, ama ballan ayaad qabsan kartaa.

ISKAAN IGA QAAD



Ma dooneysaa xog dheeraad ah? www.fedasilinfo.be

Galkaan waxaa lagu heli karaa 14 luuqadood | Soo saaris: Fedasil
Tafatire: Michael Kegels | Waxaa la cusbooneysiisay: 03.2021